

## Великий четверг изобразительные

### Читать вместо литургии когда нет иерея

**Старший:** Молитвами святых отец наших, Господи, Иисусе Христе, Сыне Божий, помилуй нас.

**Чтец:** Аминь.

**Царю** Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

**Святой** Боже, Святой Крепкий, Святой Бессмертный, помилуй нас.  
*Трижды.*

Слава Отцу и Сыну и Святому Духу, и ныне и присно и во веки веков, аминь.

**Пресвятая** Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

**Отче** наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

**Старший:** Господи, Иисусе Христе, Сыне Божий, помилуй нас.

**Чтец:** Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

**Во** Царствии Твоем, помяни нас, Господи, егда приидеши во Царствии Твоем.

**Блажени** нищии духом, яко тех есть Царство Небесное.

**Блажени** плачушии, яко тии утешатся.

**Блажени** кротцыи, яко тии наследят землю.

**Блажени** алчушии и жаждущии правды, яко тии насытятся.

**Блажени** милостивии, яко тии помиловани будут.

**Блажени** миротворцы, яко тии сынове Божии нарекутся.

**Блажени** изгнани правды ради, яко тех есть Царство Небесное.

**Блажени** есте, егда поносят вам, и изженут, и рекут всяк зол глагол на вы, лжуще Мене ради.

**Радуйтесь** и веселитесь, яко мзда ваша многа на Небесех.

*Тропарь, глас 8:*

Егда славнии ученицы на умовении вечери просвещахуся, тогда Иуда злочестивый сребролюбием недуговав омрачашеся, и беззаконным судиям Тебе, праведнаго Судию, предаёт. Виждь имений рачителю, сих ради удушение употребивша. Бежи несбытыя души, учителю таковая дерзнувшия: Иже о всех Благий, Господи, слава Тебе.

Святой Боже, Святой Крепкий, Святой Безсмертный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь. Святой Безсмертный, помилуй нас.

Святой Боже, Святой Крепкий, Святой Бессмертный, помилуй нас.

*Чтец:* Прокимен, глас шестый: Князи людстии собрашася вкупе, на Господа и на Христа Его.

*Лик:* Князи людстии собрашася вкупе, на Господа и на Христа Его.

*Чтец:* Вскую шаташася языцы, и людие поучишася тщетным?

*Лик:* Князи людстии собрашася вкупе, на Господа и на Христа Его.

*Чтец:* Князи, людстии собрашася вкупе.

*Лик:* На Господа и на Христа Его.

*Чтец:* К Коринфяном послания святого апостола Павла чтение.

(Коринфяном 11:23-32):

*Чтец:* Братие, аз приях от Господа, еже и предах вам: яко Господь Иисус, в ночь, в нюже предан бываше, прием хлеб, и благодарив, преломи, и рече: примите, ядите, сие есть Тело Моё, еже за вы ломимое: сие творите в Моё воспоминание. Такожде и чашу по вечери, глаголя: Сия чаша Новый Завет есть в Моёй Крови: сие творите, елижды аще пиете, в Моё воспоминание: Елижды бо аще ясте хлеб сей, и чашу сию пиете,

смерть Господню возвещаете, дондеже убо приидет. Темже иже аще яст хлеб сей, или пиет чашу Господню недостойне, повинен будет Телу и Крови Господни. Да искушает же человек себе, и тако от хлеба да яст, и от чаши да пиет. Ядый бо и пийй недостойне, суд себе яст и пиет, не рассуждая Тела Господня. Сего ради в вас мнози немощни и недужливи, и спят довольни. Аще бо быхом себе рассуждали, не быхом осуждени были. Судими же от Господа, наказуемей, да не с миром осудимся.

*Аллилу́рий, глас 6:*

*Чтец:* Аллилу́ия Глас 6. Блажен разумева́яй на ни́ща и убо́га, в день лю́т изба́вит его́ Госпо́дь.

*Хор:* Аллилу́ия, аллилу́ия, аллилу́ия.

*Чтец:* Вразі мой рѣша мне злая: когда́ умрет и погѣбнет Ёмя его́?

*Хор:* Аллилу́ия, аллилу́ия, аллилу́ия.

*Чтец:* Ядый хлѣбы мой, возвели́чи на мя запина́ние.

*Хор:* Аллилу́ия, аллилу́ия, аллилу́ия.

Господи помилуй, трижды.

*Старший:* От Матфеа Святаго Евангелия чтение

*Хор:* Сла́ва Тебе́, Госпо́ди, сла́ва Тебе́.

*Старший:*

Рече́ Госпо́дь Свои́м ученико́м: Ве́сте я́ко по дво́ю дню́ Па́сха бу́дет, и Сын Челове́ческий пре́дан бу́дет на пропя́тие. Тогда́ собра́шася архиере́е, и кни́жницы, и ста́рцы лю́дстии, во двор архиере́ов, глаго́лемаго Каиа́фы, и совеща́ша, да Иису́са ле́стию́ и́мут, и убию́т. Глаго́лаху же: но не в пра́здник, да не молва бу́дет в лю́дех. Иису́су же бѣвшу в Вифа́нии в домо́у Си́мона прока́женнаго, присту́пи к Нему́ жена́, стекля́ницу ми́ра иму́щи многоце́ннаго, и возлива́ше на главу́ Его́, возлежа́щу. Ви́девше же учени́цы Его́, негодова́ша, глаго́люще: чесо́ ради́ гѣбель сѣя́ бысть? Можаше́ бо сие́ ми́ро прода́но бѣти на мно́зе, и да́тися ни́щым. Разуме́в же Иису́с рече́ им: что́ тружда́ете жену́? Де́ло бо добро́ соде́ла о Мне. Всегда́ бо ни́щыя и́мате с собо́ю: Мене́ же не всегда́ и́мате. Возли́авши бо Сѣя́ ми́ро сѣе́ на те́ло Мое, на погребе́ние Мя сотвори́. Ами́нь глаго́лю вам: иде́же а́ще проповѣ́дано бу́дет Ева́нгелие сѣе́ во всем ми́ре, рече́тся и е́же сотвори́ сѣя́, в па́мять ея́. Тогда́ шед е́дин от обоюна́десяте, глаго́лемый Иу́да Искаріо́тский, ко архиере́ом, рече́: что́ ми хо́щете да́ти, и аз вам преда́м Его́? Онѣ́ же поста́виша ему́ три́десять сре́бреник. И отго́ле иска́ше подобна́ вре́мене, да Его́ преда́ст. В пе́рвый же день опресно́чный присту́пиша учени́цы Иису́сови, глаго́люще Ему́: где хо́щеша угото́ваем Ти я́сти па́сху? Он же рече́: иди́те во град ко о́нсице, и рцѣ́те ему́: Учи́тель глаго́лет: вре́мя Моё́ близ е́сть, у Тебе́ сотворю́ па́сху со учени́ки Мои́ми. И сотвори́ша учени́цы, яко́же повеле́ им Иису́с: и угото́ваша па́сху. Ве́черу

же бѣвшу, возлежаше со обеманадесяте ученикома. Вѣдый Иисус, яко вся даде Ему Отец в рѹце, и яко от Бога изыде, и к Богу грядет: востав с вѣчери, и положи рѣзы, и прием лѣнтион, препоясая. Потом же влѣя воду во умывальницу, и начат умывати нѹги учеником, и отирати лѣнтием, имже бе препоясан. Прииде же к Симону Петру, и глагола Ему той: Господи, Ты ли мой умыеши нѹзе? Отвѣща Иисус, и рече ему: еже аз творю, ты не веши ныне, разумееши же по сих. Глагола Ему Петр: не умыеши нѹгу мою во веки. Отвѣща ему Иисус: аще не умыю тебе, не имаша части со мною. Глагола Ему Симон Петр: Господи, не нѹзе мой токмо; но и рѹце, и главу. Глагола ему Иисус: измовенный не требует токмо нѹзе умыти, есть бо весь чист. И вы чисти есте, но не вси. Вѣдѣше бо предающаго Его, сего ради рече, яко не вси чисти есте. Егда же умы нѹги их, прият рѣзы Своя, возлег паки, рече им: веете ли, что сотворих вам; Вы глашаете мя Учителя и Господа: и добре глаголете, есмь бо. Аще убо аз умых ваши нѹзе, Господь и Учитель: и вы должни есте друг другу умывати нѹзе. Образ бо дах вам, да якоже аз сотворих вам, и вы творите. Аминь, аминь глаголю вам: несть раб болий Господа своего, ни посланник болий пославшаго его. Аще сия веете, блажени есте, аще творите я. И ядущим им рече: аминь глаголю вам, яко един от вас предаст Мя. И скорбяще зело, начаша глаголати Ему един кийждо их: Еда аз есмь, Господи? Он же отвѣщав рече: омочивый со мною в солило руку, той Мя предаст. Сын же Человеческий идет, якоже есть писано о Нем: горе же человеку тому, имже Сын Человеческий предается: добро бы было ему, аще не бы родился человек той. Отвѣщав же Иуда предавая Его, рече: Еда аз есмь, Равви? глагола ему: ты рече. Ядущим же им, прием Иисус хлеб, и благословив преломив, и даеше учеником, и рече: примите, ядите, сие есть Тѣло Мое. И прием чашу, хвалу воздав, даде им, глаголя: пийте от нея вси. Сия бо есть Кровь Моя Новаго Завета, яже за многия изливаема, во оставление грехов. Глаголю же вам, яко не имам пити от ныне от сего плода лознаго, до дне того, егда и пью с вами ново во Царствии Отца Моего. И воспевше, изыдоша в гору Елеонску. Тогда глагола им Иисус: вси вы соблазнитесь о Мне в ночь сию. Писано бо есть: поражу пастьря, и разыдутся овцы стада. По воскресении же Моём, варяю вы в Галилеи. Отвѣщав же Петр рече Ему: аще и вси соблазнятся о Тебе, аз никогдаже соблажнюся. Рече ему Иисус: аминь глаголю тебе, яко в сию ночь, прежде даже алектор не возгласит, трикраты отвержешься Мене. Глагола Ему Петр: аще ми есть и умерети с Тобою, не отвергуся Тебе. Такожде и вси ученицы реша. Тогда прииде с ними Иисус в весь нарицаемую Гефсимания, и глагола учеником: сядите ту, дондеже шед помолюся тамо. И поем Петра и оба Сына Зеведеова, начат скорбети и тужити. Тогда глагола им Иисус: прискорбна есть душа Моя до смерти: пождите зде, и бдите со мною. И прешед мало, паде на лице Своём моляся, и глаголя: Отче Мой, аще возможно есть, да мимоидет от Мене чаша сия: обаче не

якоже Аз хочу, но якоже Ты. Явися же Ему́ ангел с Небесé укрепляя Егó. И быв в подвизе, прилѣжнее моляшеся. Бысть же пот Егó, яко капля крове́ каплющи на зѣмлю. И востáв от молѣтвы, Прииде ко учеником, и обрѣте их спящих, и глагола Петрови: Тако ли не возмогосте единаго часа побдѣти со Мною? Бдите и молѣтеся, да не внидете в напасть: дух бо бодр, плоть же немощна. Паки вторѣцею шед помолѣся, глаголя: Отче Мой, аще не может Сия чаша мимоити от Мене́, аще не пию ея́, буди воля Твоя. И пришед обрѣте их паки спящих: бѣста бо им очи отяготѣне. И оставль их, шед паки помолѣся третѣцею, то́же слово рек. Тогда́ прииде ко учеником Своим и глагола им: спите прочее, и почивайте: се приближися час, и Сын Человѣческий предаѣтся в рѣки грѣшников. Востаните, идем: се приближися предай Мя. И ещѣ́ Ему́ глаголющу, се Иуда́ един от обоюнадесяте прииде, и с ним народ мног, со ору́жием и дрекóльми, от архиерѣй и старец людских. Предай же Егó, даде́ им зна́мение, глаголя: Егóже аще лобжу́, Тóй есть: имѣте Егó. И абие приступль ко Иисусови, рече́: радуйся, Равви́, и облобыза́ Егó. Иисус же рече́ ему́: друже, твори́ на не́же еси́ пришѣл. Тогда́ приступльше возложи́ша рѣце на Иисуса, и яша Егó. И се един от сущих со Иисусом, простѣр руку́, извлече́ нож свой: и удари раба архиерѣова, и урѣза́ ему́ ухо. Тогда́ глагола́ ему́ Иисус: возврати́ нож твой в мѣсто егó: вси бо приѣмшии нож, ножѣм погѣбнут. Или́ мнится ти, яко не могу́ ны́не умоли́ти Отца́ Моегó, и предста́вит Ми вѣщше или́ двана́десяте легеона́ ангел? Ка́ко же у́бо сбѣдутся Писáния, яко́ Тако подобáет бы́ти? В той час рече́ Иисус наро́дом: яко́ на разбóйника ли изыдо́сте со ору́жием и дрекóльми, я́ти Мя; по вся дни при вас седѣх уча в цѣркви, и не я́сте Мене́. Се же все бысть, да сбѣдутся Писáния прорóческая. Тогда́ ученицы́ вси оставльше Егó бежа́ша. Во́ини же е́мше Иисуса́ ведо́ша к Каиа́фе архиерѣови, иде́же кни́жницы и старцы́ собра́шася. Петр же идя́ше по нем издалѣча, до двора́ архиерѣова: и вшед внутрь, седя́ше со слугáми, видети кончи́ну. Архиерее́ же и старцы́, и сонм весь, иска́ху лжесвидѣтельства на Иисуса́, яко́ да убийо́т Егó: И не обрета́ху, и мно́гим лжесвидѣтелем приступльшим, не обрето́ша. После́жде же приступи́ша два лжесвидѣтеля, рѣста: Сей рече́, могу́ разорѣти цѣрковь Бо́жию, и тремѣ́ дѣньми создáти ю́. И востáв архиерѣй рече́ ему́: ничесóже ли отвѣщава́еши, что́ сий на Тя свидѣтельствуют? Иисус же молча́ше. И отвѣщав архиерѣй рече́ Ему́: заклина́ю Тя Бо́гом живы́м: да рече́ши нам, аще Ты еси́ Христóс Сын Божѣй? глагола́ ему́ Иисус: ты рече́. Обáче глаголю́ вам: отселе́ узрите Сы́на Человѣческаго седя́ща одесну́ю си́лы, и грядѣща на о́блацех небѣсных. Тогда́ архиерѣй растерза́ рѣзы Своѣ́ глаголя: яко́ хулу́ глагола́, что́ ещѣ́ трѣбуем свидѣтелей? Се ны́не слы́шасте хулу́ Егó: Что́ ся вам мнит? Они же отвѣщавше рѣша: повинен есть смѣрти. Тогда́ заплевáша лице́ Егó и пакости́ ему́ дѣяху, о́вии же за ланѣту удари́ша, глаголюще: прорцы́ нам, Христѣ́, кто́ есть ударѣй Тя.

Петр же вне седяше во дворѣ: и приступи к Немѹ едина рабыня глаголющи: и ты бе со Иисусом Галилейским. Он же отвержеся пред всеми, глаголя: не вем, что глаголеши. Изшедшу же ему ко вратом, узре его другая, и глагола им ту: и сей бе со Иисусом Назорѣом. И паки отвержеся с клятвою: яко не знаю человека. Помале же приступивше стоящий, реша Петрови: воистину и ты от них еси: ибо беседа твоя яве тя творит. Тогда начат ротитися и клятися, яко не знаю человека. И абие петел возгласи. И помяну Петр глагол Иисусов, реченный ему: яко прежде даже петел не возгласит, трикраты отвержешия Мене. И изшед вон плакася горько. Утру же бывшу, совет сотвориша вси архиерее и старцы людстии на Иисуса, яко убити Его: И связавше Его ведоша, и предаша Его Понтийскому Пилату игемону.

*Хор:* Слава Тебе, Господи, слава Тебе.

**П**омяни нас, Господи, егда приидеши во Царствии Твоем.

**П**омяни нас, Владыко, егда приидеши во Царствии Твоем.

**П**омяни нас, Святой, егда приидеши во Царствии Твоем.

**Л**ик небесный поет Тя и глаголет: Свят, Свят, Свят Господь Саваоф, исполнь небо и земля славы Твоя.

**Стих:** Приступите к Немѹ и просветитесь, и лица ваша не постыдятся.  
**Л**ик небесный поет Тя и глаголет: Свят, Свят, Свят Господь Саваоф, исполнь небо и земля славы Твоя.

**С**лава Отцу и Сыну и Святому Духу

**Л**ик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоя.

**И** ныне и присно и во веки веков, аминь.

**В**ерую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном

спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

**О**слаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в ночи, яже во уме и помышлении, вся нам прости, яко Благ и Человеколюбец.

**О**тче наш, Иже еси на небесех. Да святится Имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

**Старший:** Господи, Иисусе Христе, Сыне Божий, помилуй нас.

**Чтец:** Аминь.

*Кондак, глас 2:*

Хлеб приём в рӯце предатель, сокровенно тья простирает, и приёмлет цену Создавшего Своима рукама человека: и неисправлен пребысть Иуда раб и льстец.

**Г**осподи, помилуй, *12.*

**В**сесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да выну славлю, пою, поклоняюся и глаголю: Един Свят, Един Господь, Иисус Христос, во славу Бога Отца, аминь.

**Б**уди Имя Господне благословено отныне и до века, *трижды.*

**С**лава Отцу и Сыну и Святому Духу, и ныне и присно и во веки веков, аминь.

**Псалом 33:** **Б**лагословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на нъ. Бойтеся Господа, вси святии Его, яко несть лишения боящимся Его. Богатии обнищаша и взалкаша,

взыскающие же Господа не лишатся всякого блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага; Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира, и пожени и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

*Вместо «Досто́йно есть»:*

*Ирмо́с:* Странствия Владычня, и безсмертныя трапезы, на горнем месте, высокими умы, вернии, приидите насладимся, возшедша Слова, от Слова научившися, Егоже величаем.

*Хор:* Слава Отцу, и Сыну, и Святому Духу, и ныне и присно, и во веки веков, аминь.

**Господи, помилуй. Трижды.**

**Господи, благослови.**

*Старший:* **Господи, Иисусе Христе, Сыне Божий, помилуй нас.**

*Хор:* Аминь.